

2018

**RUANGMEI**  
**(Modern Indian Language)**

Full Marks : 100

Pass Marks : 33

Time : Three hours

**Thaylou khang :**

- (i) *Latthanv che hei kalangv padeih A, B, C khatnic D twna khaklangc pat re.*
- (ii) *Latthanv kaguayna zamh full marks nzat biak margin khou lyanlou e.*
- (iii) *Nuhpui kamv nang raana latkaeng sinswna latthanv guay daw o.*

**KALANGV – A**

**(LATCHYAM/PROSE)**

1. **Kabange khou tiiloumei latbamv hei kabamv dincna piakna hy o. 6×1=6**  
**(Explain, with reference, to the context :)**
  - (a) Riuc tangh makmei kauhmei thingphaan khou puanghmei khang suangc mu, meic machunhmei baanc rui haamvna riuc tanghmei nnaamei bamv khou puanghmei mwnpwang tei adih gay cho!

**Hamhethai**

- (b) Meic guayna mav khou kamei rui phungcpatloumei hei laanh the twna tisaamei na hamhna kangkai khou louna science tuang kathai kariangmei taanv guay ti-nthaekc khwan e.

P.T.O.

2. **Kabange khou tiilou bammei latthanv hei latkaeng 180-200 lunge khou daw o :** 6×1=6

(a) Tabui zaeng rui Rani Gaidinliu taanv dvan guay hei Britishmei khang daihmei khaenghmei akhat re sa bam tu cho ?

***Hanhethai***

(b) Tabui sw tina aniu tuang haengvmei khou mpwan mphuam guang tu cho ?

3. **Kabange khou thanv bammei latthanv guay hei latkaeng 20 – 25 lunge khou daw o :** 2×5=10

(a) HIV rik meicpume khou gutlou raph khourui AIDS nnaumei nganvmei khou howpat rey liangmei symptom tabuibui cho ?

(b) Chumhzihlung pouc builwang kiu twkumh cho ?

(c) 'Ngamvzi' twmei duime parylyan khou saa bammei hei thow tuang ngamvzi ta saa bam tu cho ?

(d) Baansiam gaanphiu (satellite) rui maansei khang tabui gaengmei tiilou cho ?

(e) Tabui zaeng rui Rani Gaidinliu rui 'Kamvpai' kawmei rihou phwam akhat kasiameh dat kan tu cho ?

4. **Kabange khou tiilou bammei latthanv guay hei latrian akhat khou daw o :** 1×3=3

(a) HIV rui tinau bammei mbaanv khou phay khou 50/60 tho \_\_\_\_\_ nunc khou e.

*(Latrik khourui nchumhmei latkaeng kapahna hy suaklou o.)*

(b) Miantii khou lunghmei amaypui tei Miantii kailuange tuang tabui biak khou lunge cho ?

(c) Gaidinliu bamv dincloumei khang thowrui kaswan daengka 200 lev 500 kawpat kan cho ?

**(LUCHYAM/POETRY)**

5. **Kabange khou tiilou bammei latlangv hei kabamv dinena piakna hy o.**

**(Explain, with reference, to the context :)** 6×1=6

(a) Ningpat lak ge matyngna machak pwki,  
Asaekc rui ningtyng mbu maansei makaamv sihnic,  
Tyngtakh mbu meic ruc kuna taanv daih sin,  
Meicpy meicgav sw ti' meic rui kakhuak khiuc,

*Hamhethai*

- (b) Kanguimei ta namlou ginpu khaamv sw nii makna,  
Guailinge khou maku guaic bangclou tina  
Nchwngna ding tuang kumc,  
Zauclouna nzian ding e.

6. **Kabange khou thanv bammei latthanv hei latkaeng 180 – 200 lungc khou daw o :** 6×1=6

- (a) Hymeis Chingkhiulung theilayna lungcsiimeipui ramrianraa tei hypat ro.

*Hamhethai*

- (b) Poujarung theilayna Raengdaic hei tabui e twna ning cho ?

7. **Kabange khou tiiloumei latthanv guay hei latkaeng 20 – 25 dou piuna daw o :** 2×3=6

- (a) 'Meic laam ta lunggutna zauc bammei champanvle,  
Adih howgay bo meic laam zauhmei ?'  
Mi latrian khou hymei Lanbon rui tabui saa nii bam tu cho?

- (b) 'Tihkic ningmei akhat, san rui akhat'  
Mi latrian rui tabui ta nkwnna saa nii tuang cho?

- (c) Ntwntyang khou nap pou khang guangmei pui ta twkumh taanclou nina e twna Hukhyamlaeng rui saa cho?

8. **Kabange khou latthanv hei latrian akhat khou daw o :** 1×2=2

- (a) 'Anei paeng bam pwkhang e, Pwangringhle.'  
Mi latrian khou 'Pwangringh' twbammei hei thow ta cho?

- (b) Hukhyamlaeng rui thow ta malaana lung mak khang dinclou cho?

**KALANGV – B**  
**(PAHMEI/READING)**

9. **Latdangv hei pac lana latthanv guay daw o :**

Reynunge kiu lungcgaymeipu katuang syankhau amaan khwan the. Kabange akhat rui houc lana di the twna kamei ning khwan e. Kum e cho tihkie baan tho sintow mak khwan the. Kum tina kamei rui latzanpouc akhat khou latpuanclou the. Latzanpouc rui lungcgaymeipu bange guay ta kaw guangna thanv the, tihkie gaanv khat na sihnie houc e saa mak khwan the. Latzanpouc tei rui kaihouhmei nympat khang karamc the. Kamei rui bangh guay khoutei kasaeng nchame raphmei thingngwn akhat khat nsinjouna nthuanh phunge guang dat khang saa the. Kamei rui bangh guay khoutei kangamv paanrui parianna taanclou kanpui theilayna kaihouhmeipu thingngwn tei tho saengc maih guang pwnei the twna kadylou khwan the. Bangh guay tei kai han ngam kan the. Thingngwn tei nic kabamv chana lou ngam kan the. Kum e tihkie lungning puatrit phunge bammei kaihouhmeipu tei rui kata nympat pung the twna katuang thingngwn tei *inch* akhat dumc dui khwan the. Tinggaanc patna bangh guay tei latzanpouc dacng guang kaduai the. Thingngwn guay tei phunge guang the. Mi pang khoutei thingngwn akhat dui maihmei ta how the. Mi kumcna kaihouhmeipu lwn tei chiwna thay pat ngam khwan the. Kata kiu kangkai thange lou khang zay tat kan the.

**A. Lathanv guay hei latkaeng 20 – 25 lunge khou daw o :                      2×5=10**

- (i) Lungcgaymeipu rui latzanpouc khou tabui lat puanclou kan cho?
- (ii) Latzanpouc rui lungcgaymeipu bange guay ta tabui sw kan cho?
- (iii) Tabui khang rui latzanpouc rui kasaeng nchame raphmei thingngwn bangh guay khang nzanhlou bam tu cho?
- (iv) Latzanpouc tuang ningtyng lam khou duina hy o.
- (v) Kaihouhmeipu rui kata nympat mak khang twkumh kan cho?

- B.**
- (i) Latdangv khou 'baanh sintow makmei' twmei latthiap (idiom) hei tabui saa tuang cho? 1
  - (ii) 'Kakhuay naimci nunc ta loupui bamv' twmei latkaeng latdangv khourui phupat ro. 1

10. Kabangc khou tiiloumei latdangv hei pac lana
- (a) Note kasiameh o. 5
- (b) Note khoutei rui summary hy o. 3

Maanscina lunghmei lwan guay khou hei pumtan (energy) kage nai e. Mi hei neih khourui patmei raana e. Asei daicthaumei zuk di the twna electric mai sinsw bammei, gari thou bammei kaguay hei neih khourui laatowmei energy syn de. Ringhpaan naimei panty guay hei neih khou ngangvlouna lungc e. Kum e cho tihkie ntwaw tho neih khourui hamhmei energy laatowmei bamv akhat nai the. Mi hei rui maansei kin azuh khou rey liangmei akhat re. Mi kiu tho atom lungc khou naimei pumtan, atomic energy kaw bammei hei the.

Ramh kataa karaana hei atom rui kasiamehmei raana the. Nang nic, ai nic kaguayna atom khourui raana e. How bammei kaguayna hei atom riak chakui dou na rui kasiamehmei tuang e. Kum khwan sihnic puatc tho riak chakui na hamh e. English alphabet 26 na de tihkie mi hiak guay hei duanc kariuna latkaeng chaphah kasiameh patmei kumc atom guay rui nic ramh padik kasiameh pat tuang e.

**KALANGV – C**  
**(HYMEI/WRITING)**

11. Kabangc khou tiiloumei lam khou *akhat* piakna latkaeng **80–100** dou khou hy pat ro : 6×1=6
- (a) School tat khang chamdaanvmei
- (b) Baenglaa Zaymei
12. (a) Nang class XII luaina pheybaan zuanhmei dukaan akhat dungh khang ning the. Nang rui kahawmei khatnic puiuhnac rui kahaw nimei pwanrai tha guanglou khang Bangaluru khou naimei M/S Chhetry & Sons Fashion House khou pwanrai order swmei taddyn lwan akhat hy o. Nang zanc Pwanrainang twna hylou o. 6

*Hamhethai*

- (b) Ntaw ganv khou daicthau bammei chabwan guay rui meierammei cinema zaucna aniu Ruangmei tuang hamhmei pwanrai thiak, kheyliak, latsaa lusuan thiak khatnic taektu thiak aniu khou tatnah guangmei hei twkumh ethei control sw ngam ni cho twmei lam khou Zauzianna Thaimai rui 'Kamvbui Chamv' tuang nzangmei (editor) khou taldyn akhat hy e. Mi taldyn kiu kalwan nchumhna hypat ro.

***Hamhethai***

- (c) Gayriamang Memorial Hr. Secondary School, Tazei khou Assistant Librarian tuang taanv bamv tiilou khang school tuang Principal khou nang tuang bio-data kazauhmei taanvdui taldyn akhat hy o. Nang zanc Lwmgaypou Rwangmei twna hylou o.
13. (a) Tamenglong-Imphal chaeng khou gari abaekna kabiou kacheime pat kanmei nangrui howlou kanmei ta nang twkumh ning cho twmei nang chwn ndauhna latkaeng 100-150 lungc khou hypat ro. 8

***Hamhethai***

- (b) Kabangc khou tiiloumei latbamv hei tiiloumei Outlines sinswna Essay latkaeng 180 – 200 lungc khou hy o : 8
- (i) Nang rui tat kazauhluou kanmei Picnic

[**Outlines** : *Kahouhmei – Kabamv howgaymei – Nchamnac akhat khang gaengmei-Picnic rui daicthau bammei chabwan guay khang kabiumei- luailoumei*]

***Hamhethai***

- (ii) Ruangmei Zaat
- [**Outlines** : *Kahouhmei - lungc bamv- phybamv- latrik nchammei lwan – meic thei lay tang makmei lam- luailoumei*]

**KALANGV – D  
(LATRIAK / GRAMMAR)**

14. (a) 'Ntanhdyme' twmei latkaeng khou consonant azuh nai cho? 1
- (b) 'Ting zowmei ramzou hei katumc hak ge.' 1  
Mi latrian khou 'ramzou' hei tabui khwangwan cho?

15. (a) 'Kariwgay doulaneic tat kan the.'  
Mi latrian khou tabui latkaeng tei Adverb taanv sw cho? 1
- (b) 'Kamei bam de.'  
Mi latrian khou verb taanv swmei latkaeng kapaipat ro. 1
- (c) 'Nangniw adaeng khou bam rio.'  
Mi latrian khou 'nangniw' twmei hei tabui part of speech cho? 1
16. (a) 'Guaih'+ 'nouc'+ 'dui' twmei latkaeng kathumh hei Ruanglat khou twkumh hy nina cho, hypat ro. 1
- (b) 'Lauzamdai' twmei latkaeng tuang 'root word' tabui cho? 1
17. (a) Ruanglat latrian lwnliak 'Subject+ intrumental+verb+e' twmei latrian akhat hypat ro. 1
- (b) Mi chalahmei latrian (Simple sentence) nei hei 'pwkhou' twmei latkaeng piuna Alamvmei Latrian (Complex Sentence) khou hypat ro.  
(i) Tingzyn key the. (ii) Kaniw zaengsw the. 1
18. **Tiiloumei latkaeng tuang nhoumei latkaeng hý pat ro :** 1×2=2
- (a) kasatsat
- (b) kathei
19. **Tiiloumei latchap kabac tabui cho hypat ro :** 1×2=2
- (a) Dui chaeng zeih mbaih, zeih dui chaeng mbaih e.
- (b) Binwang khou dui lai hlou kumc.
20. **Tiiloumei latthiap (Idiom) kabac dinc o.** 1×2=2
- (a) kambui charaime
- (b) Meicbian tatmei